

ԹՈՒՐՔ – ՀԱՅԿԱԿԱՆ
ՀԱՐԱԲԵՐՈՒԹՅՈՒՆՆԵՐԻ ԱՊԱԳԱՆ*
ՄԵԹԵ ԹՈՒՆՉԱՅ

Մրանից երկու տարի առաջ, 1998թ. հունիսի 5-ին «Ակոս» շաբաթաթերթում (թիվ 114) ես առիթ էի ունեցել ներկայացնել իմ տեսակետով Հայկական հարցի վերաբերյալ: Ես այդ ժամանակ ասել էի, թե ոչ մի իմաստ չեմ տեսնում այն քանում, որ Թուրքիայի հանրապետության Արտաքին գործերի նախարարության մի հրահանգ կամ Սենատի կողմից քվեարկված բանաձև ինձ՝ պատմաբանիս, սովորեցներ ինչ էր տեղի ունեցել 1915թ.:

Այս ժողովում ես առաջարկում եմ մեր հայացքներն ուղղել դեպի ներկան և ապագան, այլ ոչ թե դեպի անցյալը: Հայերը, որոնք հետաքրքրում են ինձ, առաջին հերթին Թուրքիայում բնակվող իմ համաքաղաքացիներն են, այնուհետև իմ հարևանները՝ Հայաստանի Հանրապետության քաղաքացիները: Ինչ վերաբերում է սփյուռքին՝ Միացյալ Նահանգների, Ֆրանսիայի կամ Միջին Արևելքի հայերին, ապա, խոստովանում եմ, նրանք ինձ ավելի քիչ են մտահոգում:

Թուրքիան բազմազգ մի երկիր է: Այնպես, ինչպես համարյա բոլոր բազմազգ պետությունները: Չնայած դրան՝ մեր պետությունը փոքրամասնություն է համարում միայն երեք ոչ մահմեդական համայնքներին (հույն, հայ, հրեա) որոնց գոյությունն իբրև այդպիսին նա ընդունել էր Լոզանի դաշնագրով՝ 1923-ին (պետք է, այդուհանդերձ, ավելացնել, որ ըստ այդ դաշնագրի հողվածների, Թուրքիան որոշ իրավունքներ է զիջում այնպիսի համայնքների, ինչպիսիք են կաթոլիկները, բողոքականները և սիրիական քրիստոնյաները): Սակայն թուրք բնակչության մեջ կան այլ ազգային խմբավորումներ, որոնք, մահմեդական լինելով հանդերձ, թրքալեզու չեն: Դրանցից ամենամեծը քրդական խմբավորումն է: Քրդերը, որոնք այնպես, ինչպես հայերը պնդում են թե իրենք արևելյան Անատոլիայի բնիկ ժողովուրդ են, մահմեդական լինելու հետևանքով Օսմանյան իշխանությունների կողմից համարվում էին իբրև իշխող համայնքների (millit-I hâkime) մի մասը և վայելում էին որոշ ինքնավարություն: Նրանք,

* Չեկուցումը կարդացվել է 2000թ. հունիսի 17-ին Ֆրանսիայի Սենատի շենքում կազմակերպված «Հայ-թուրքական երկխոսությունը հայկական հարցի մասին» միջազգային գլխածողովում:

այնպես ինչպես թուրքերը, տարաբաժանվում են կրոնական երկու ուղղությունների՝ սյունի և ալևի, և ունեն նույնիսկ իրենց «քրդերը» («Չա-զա»): Նախկինում քրդերը քոչվոր էին, իսկ հայերը նստակյաց: Հետագայում արդիականացման գործընթացը շեշտը դրեց բոլոր քաղաքացիների հավասարության վրա, իսկ սոցիալական և քաղաքական կյանքի կենտրոնացման և միօրինականացման արդյունքում քրդերը կորցրին իրենց մեծաշնորհները:

XX դարի վերջին քառորդում ինքնության խնդիրը դարձավ առաջնակարգ մի հարց: Քրդերը ցանկացան, որ ճանաչվի իրենց ուրույն ինքնությունը: Նրանք պահանջեցին, որ արվի ամեն անհրաժեշտը՝ իրենց մշակութային իրավունքների իրականացման համար. մայրենի լեզվի ուսուցում, քրդական արվեստի և գրականության ազատ զարգացում... Դրա փոխարեն Թուրքիայի իշխող դասակարգը պնդեց, թե քրդերի հանդեպ չէր կիրառվում և ոչ մի անհատական խտրականություն, բայց նրանց՝ իբրև ազգային փոքրամասնության ճանաչումն իր հետ կրեներ մոր պահանջներ, որոնք կարող էին հանգեցնել Թուրքիայի հանրապետությունից քրդերի անջատմանն ու մի անկախ պետության ստեղծմանը: Ինձ նման մտածող թուրք մտավորականները, այսինքն նրանք, ովքեր քաղաքակապես նեցուկ են քրդերի մշակութային իրավունքների ճանաչմանը, ընդունում են, թե պետության մտահոգությունն այդ առթիվ ունի նաև որոշ հիմքեր: Մենք մտղթում ենք, որ կարողանանք շարունակել քրդերի հետ հարաբերությունները ոչ թե այն բանի համար, որ նրանք ստիպված լինեն ընդունել թրքական տիրապետությունը, այլ որպեսզի նրանք ցանկանան ապրել մեզ հետ, վստահ լինելով, թե իրենց բոլոր օրինական պահանջները կրավարարվեն Թուրքիայի հանրապետության ներքո:

Եթե խնդիրներից առաջինը, որին բախված է Թուրքիան, քաղաքական իսլամիզմն է, ապա երկրորդը հանդիսանում է քրդերի հետ հարաբերությունների հարցը: Իմ կարծիքով այդ երկու հարցերը չունեն մեկուսացված լուծումներ: Լուծումը պետք է լինի ամբողջական: Եթե Թուրքիան կարողանա յուրացնել ժամանակակից ժողովրդավարության մարդասիրական և խաղաղասիրական չափանիշները, ապա նա կկարողանա հաղթահարել հավատի, ինքնության և լեզվի տարբերությունների հետևանքով առաջացող լարվածությունները: Այդ տարբերությունները չեն դառնա տարաբաժանման և թուլության պատճառներ, այլ կհանդիսանան հարստության աղբյուր: Այս ենթադրությունները, իհարկե, շատ հաճելի է լսել, բայց արդյո՞ք դրանք իրապաշտական են: Կկարողանա՞ Թուրքիան, իսկապես, բավական կարճ ժամանակամիջոցում, յուրացնել խաղաղասիրական ու մարդասիրական բազմախոհությունը:

Դժբախտաբար, թուրք քաղաքական ղեկավարների մեծամասնությունը քաջալերում է ցեղատյաց քաղաքականության մախնական և վայրի բնագոյները, դիմելով մի քարոզչության, ըստ որի մենք շրջապատված ենք ներքին և արտաքին թշնամիներով: Ճիշտ է անշուշտ, որ ընդամենը ութսուն տարի առաջ քայքայված մի կայսրության ժառանգորդները չեն կարող չունենալ ներկա Թուրքիայի քայքայման վախը: Նրանք, ովքեր ապրում են երկրի ամենահեռավոր վայրերում և հեռուստատեսության հաղորդումներից ծանոթանում են հարուստ երկրների կյանքի մակարդակին, չեն կարող առանց մախամձի վերաբերվել այդ ամենին: Թուրքիայի անդամակցությունը Եվրոպական Միությանը դիտվում է մեզանում ամենից առաջ իբրև

Գալով Թուրքիայի և Հայաստանի հարաբերություններին, ես կանխատեսում եմ երկու տեսակի դժվարություններ: Առաջինը վերաբերում է անցյալին: Ըստ իմ տեղեկությունների, Հայաստանը պահանջում է Թուրքիայից, որ նա ներողություն խնդրի «հայկական բռնազաղթի» համար և վնասների հատուցում կատարի: Երկրորդ խնդիրն այժմեական է՝ դա Ղարաբաղի հակամարտության հարցն է:

Վերադառնանք առաջին խնդրին: Ես ցանկանում եմ որ Հայաստանի ղեկավարները սին հույսեր չներշնչեն իրենց ժողովրդին: Ոչ ներկայումս և ոչ էլ մոտիկ ապագայում Թուրքիայի Հանրապետության ոչ մի կառավարություն չի համարձակվի նման քայլի դիմել և հակադրվել երկրում իշխող հասարակական կարծիքին: Ճիշտ կլիներ այն, որ մենք բոլոր ներողություն խնդրեինք իրարից անցյալում գործված բոլոր անարդարությունների և հալածանքների համար: Ես անձամբ կարող էի ներողություն սպասել այն հայ ֆիդայիների թոռներից, որոնք սպանեցին իմ մեծ հորը, 1916թ. սկզբին, Էրզրում մտնելով ռուսական բանակի ետևից: Բայց եկեք լինենք ավելի իրապաշտ: Թույլ չտանք, որ պատմության ուրվականը մթազնի այսօրվա օրը: Երբ ես քննում եմ հայ և թուրք հեղինակների աշխատություններն այս նյութի վերաբերյալ, տեսնում եմ, որ անցած ութսունհինգ տարիները բավարար չեն եղել արդարացիորեն դատելու անցյալը: Առայժմ պահանջենք թուրք և հայ կառավարություններից, որ նրանք հրաժարվեն սադրիչ և միտումնավոր հրատարակությունները քաջալերելուց: Որ այդ երկու երկրների քաղաքական ղեկավարները չգոհաբերեն մեր ժողովուրդների ապագան իրենց անձնական կարճատև շահերին:

Աղբբեջանի հետ հակամարտության հարցը թվում է շատ փշտ մի խնդիր է: Բացի այն փաստից, որ թուրքերը և ազերիները համակված են մույն զգացումներով, քանի որ խոսում են միևնույն լեզվով, Թուրքիան պետք ունի Կովկասի նավթին և Թուրքմենիստանի բնական գազին, որ ինքը մտադիր է փոխադրել Աղբբեջանի տարածքով: Ղարաբաղի հարցը սերտորեն կապված է Աղբբեջանի անկախության հետ: Իրականում կարելի էր Ղարաբաղի դեպքում անել այն, ինչ որ Թուրքիան արեց սրանից քսանհինգ տարի առաջ թուրք կիպրոսցիների համար: Բայց այդպիսի մի բան հնարավոր չէ ընդունել տալ ազերի ազգայնականներին, որոնք, չնայած Աղբբեջանի կրած պարտությանը, չեն ցանկանում հրաժարվել Ղարաբաղից: Տարիներ ի վեր Աղբբեջանը զբաղվում է փախստականներով: Ես կարծում եմ, թե Աղբբեջանը պետք է ընդունի Ղարաբաղի կցումը Հայաստանի հանրապետությանը, մի բան, որն, ի դեպ, գործնականում գոյություն ունի արդեն, և դրա փոխարեն իրեն միացնի Նախիջևանը, որին ինքը կկապվի Հայաստանի կողմից իրեն զիջվելիք մի միջանցքի միջոցով: Դրա համար անհրաժեշտ կլինի կատարել բնակչությունների փոխանակում: Այս ծրագիրը կարող է իրականացվել շնորհիվ Թուրքիայի, Սիսցյալ Նահանգների և Եվրոմիության նյութական օգնության, առանց դիպչելու երկու կողմերի արժանապատվությանը: Թուրքական հանրապետությունը կարող է ընդունել տալ այս ծրագիրն աղբբեջանցիներին, եթե Հայաստանը համաձայնվի: Խաղաղության այս ծրագրով, Աղբբեջանի ընդդիմությունը հաղթահարելու դեպքում, հնարավոր կլինի հաստատել բարիդրացիական հարաբերություններ Հայաստանի և Թուրքիայի միջև, սկսելով տնտեսական մարզից: Ես չեմ կարծում թե այս լուծումը հեշտ կլինի կիրառել: Լինի այն Թուրքիայում կամ Հայաստանում՝ միայն բարձր քաղաքական ղեկավար-

ները կարող են մնան դժվարին գործ իրականացնել: Բայց ոչ մի այլ միջոց գոյություն չունի ներկայիս տառապանքներին վերջ դնելու համար:

Ըստ իմ տեղեկությունների՝ Հայաստանի հանրապետությունն ի սկզբանե ունի մեծ անտեսական դժվարություններ: Ռազմական անհրաժեշտությունը, Այրբեջանի հետ հակամարտության պատճառով, նրան ստիպել է մերձեմալ Ռուսաստանին՝ նրանից անջատվելու փոխարեն: Մյուս կողմից, Միացյալ Նահանգների հզոր սփյուռքը, համակված, անկասկած, բարի կամեցողությամբ, միջամուխ է լինում Հայաստանի քաղաքական կյանքին: Բարիդրացիական և բարեկամական հարաբերությունների հաստատումը Թուրքիայի հանրապետության և Հայաստանի միջև կօգնի վերջինիս հաղթահարել իր ներկա դժվարությունները: Թուրք և հայ գործարարները, Իրանի և Այրբեջանի միջնորդությամբ դիմելու փոխարեն կկարողանան ուղղակի առևտրական կապեր հաստատել և, մույնիսկ, իրականացնել համատեղ ներդրումներ:

Սա է անցյալի վերքերն ամոքելու լավագույն միջոցը: Գուցե մի օր թուրք և հայ պատմաբանները կարողանան անաչառ հայացք գցել անցյալին և դասեր քաղել կյանք տառապանքներից, վրիժառության պատճառներ որոնելու փոխարեն: Այդ հույսով ես երջանկություն եմ մաղթում աշխարհի բոլոր հայերին: